

Broj: 02D-3830-13/23

Datum: 20.06.2023. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku o izboru najpovoljnijeg ponuđača, broj: 02D-3830-11/23 od 12.06.2023. godine, u postupku javne nabavke – Sitni potrošni inventar, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o izboru najpovoljnijeg ponuđača

Član 1.

Prihvata se Preporuka o izboru najpovoljnijeg ponuđača, broj: 02D-3830-11/23 od 12.06.2023. godine i okvirni sporazum za javnu nabavku – Sitni potrošni inventar, dodjeljuje se ponuđaču:

- Alper Group d.o.o. Sarajevo, ponuda dostavljena dana 29.05.2023. godine, kao najpovoljnijem ponuđaču nakon provedene E-aukcije, u iznosu od 19.717,67 KM bez uračunatog PDV-a, odnosno 23.069,67 KM sa uračunatim PDV-om kao najpovoljnijem ponuđaču.

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Član 3.

U postupku nabavke iz člana 1. ove Odluke zaprimljene su 2 (dvije) kvalifikovane ponude ponuđača:

1. Alper Group d.o.o. Sarajevo, sa cijenom ponude u iznosu od 19.997,60 KM bez uračunatog PDV-a.
2. Defter d.o.o. Sarajevo, sa cijenom ponude u iznosu od 19.737,40 KM bez uračunatog PDV-a.

U postupku nabavke iz člana 1. ove Odluke zaprimljene su 2 (dvije) nekvalifikovane ponude ponuđača:

1. Pro HoReCa d.o.o. Sarajevo, sa cijenom ponude u iznosu od 19.983,57 KM bez uračunatog PDV-a.
2. Inter – Com d.o.o. Zenica, sa cijenom ponude u iznosu od 19.485,54 KM bez uračunatog PDV-a.

Član 4.

Izabrani ponuđač Alper Group d.o.o. Sarajevo, svoju početnu ponudu nakon provedene „E-aukcije“ umanjio je za procenat od 1,4%

Član 5.

Izabrani ponuđač oslobađa se obavezuje dostaviti originale ili ovjerene kopije dokumentacije iz člana 45. Zakona o javnim nabavkama, u roku od 5 (pet) dana od prijema Odluke.

Član 6.

Prijedlog ugovora dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Član 7.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.

Član 8.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 02D-3830-1/23 od 31.03.2023. godine. Javna nabavka je sprovedena putem konkurentskog zahtjeva za dostavu ponuda, JN-20/23.

Procijenjena vrijednost javne nabavke bez PDV-a je 20.000,00 KM.

Obavještenje o nabavci broj: 1125-7-1-129-3-85/23, objavljeno na Portalu javnih nabavki 04.05.2023. godine. Sažetak Obavještenja objavljen je u “Službenom Glasniku BiH” broj 31/23 dana 05.05.2023. godine.

Ispravka Obavještenja o nabavci broj: 1125-7-1-129-3-96/23, objavljeno na Portalu javnih nabavki 23.05.2023. godine. Sažetak Ispravke Obavještenja objavljen je u “Službenom Glasniku BiH” broj 38/23 dana 26.05.2023. godine.

Ispravka Obavještenja o nabavci broj: 1125-7-1-129-3-107/23, objavljeno na Portalu javnih nabavki 30.05.2023. godine. Sažetak Ispravke Obavještenja objavljen je u “Službenom Glasniku BiH” broj 40/23 dana 02.06.2023. godine.

Komisija za nabavku, imenovana je Rješenjem, broj: 02D-3830-2/23 od 31.03.2023. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 02D-3830-10/23 od 12.06.2023. godine, Preporuku o izboru najpovoljnijeg ponuđača, broj: 02D-3830-11/23 od 12.06.2023. godine i Izvještaj o radu, broj: 02D-3830-12/23 od 12.06.2023. godine u postupku javne nabavke – Sitni potrošni inventar

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku blagovremeno zaprimljene 4 ponude
- da nije bilo neblagovremeno zaprimljenih ponuda
- Da su ponude ponuđača Alper Group d.o.o. Sarajevo i Defter d.o.o. Sarajevo kvalifikovane i prihvatljive za predmetnu nabavku, da su dostavljeni svi traženi dokazi propisani tenderskom dokumentacijom, na propisan način.

Ponuda ponuđača Pro HoReCa d.o.o. Sarajevo odbacuje se kao neprihvatljiva, u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), iz sljedećeg razloga:

- Ponuđač nije u svojoj ponudi dostavio odgovarajući dokaz koji izdaje banka ponuđača ili Centralna banka BiH, u skladu sa pozitivnim propisima, a kojim se dokazuje ispunjenje navedenog uslova da je transakcijski bankarski račun ponuđača aktivan, već je dostavio Izjavu da je bankovni račun aktivan na svom memorandumu i sa potpisom i pečatom ponuđača na stranici 31. ponude;
- Ponuđač nije dostavio uzorak robe koja je predmet nabavke za stavku 14 – 1 komad uz ponudu i Izjavu o dostavljanju uzoraka u skladu sa I Izmjenama i dopunama Tenderske dokumentacije.

Ponuda ponuđača INTER – COM d.o.o. Zenica odbacuje se kao neprihvatljiva, u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), iz sljedećeg razloga:

- uzorak iz stavke 14. – poklopac ne odgovara opisu debljine poklopca kako je traženo u Tenderskoj dokumentaciji i nije praktičan za upotrebu. Prilikom zatvaranja zdjele poklopcem koji je ponuđač dostavio kao uzorak, konstatovano je da poklopac ne odgovara iz razloga što se nakon zatvaranja isti ne može skinuti, a što nije pogodno za upotrebu za pacijente.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač u postupku javne nabavke: Sitni potrošni inventar, najbolje ocijenjen zbog najniže cijene, te je formirana rang lista kako slijedi:

1. Alper Group d.o.o. Sarajevo sa cijenom u iznosu od 19.717,67 KM bez uračunatog PDV-a.
2. Defter d.o.o. Sarajevo sa cijenom u iznosu od 19.737,40 KM bez uračunatog PDV-a.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71 000 Sarajevo.
Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke

Dostaviti:

- Ponuđaču: Alper Group d.o.o. Sarajevo
- Ponuđaču: Defter d.o.o. Sarajevo
- Ponuđaču: Pro HoReCa d.o.o. Sarajevo
- Ponuđaču: INTER – COM d.o.o. Zenica
- Odsjek za ekonomsko – finansijske poslove
- Odsjek za pripremu i distribuciju hrane
- Odsjek za javne nabavke

